



# ԸՈՒԼԻՆՈՐ ՂԴՐՈՅՈՒՄ

«Ոչ մի խնդիր չի կարող լուծվել այն հետևանքներով, որոնց պատճառով առաջացել է խնդիրը»:  
 Բուլինգը կամ ճնշումը անկիրթ ու սովորաբար ճնշող-բացասական վարքային դրսևորումներն են՝ մի անձի առավելությունն ու ուժը մեկ այլ անձի հանդեպ վախեցնելով և ճնշելով ցուցադրելու համար: Այն իրավիճակները, երբ անհատը կամ խումբը միտումնավոր թիրախավորում են մեկ այլ անձի՝ պաճառելով նրան շարունակական ֆիզիկական և/կամ հուզական վնաս, անվանվում են բուլինգ: Բուլինգը համարվում է ուժի չարաշահում, ագրեսիայի տեսակ, որը կարող է լինել ֆիզիկական, հուզական կամ վերբալ և կարող է իրականանալ անմիջական շփման ընթացքում կամ հեռավար հաղորդակցման ընթացքում:

Բուլինգի տեսակներն են

## ՎԵՐԲԱԼ

- Վերբալ բուլինգը անձի թիրախավորումն է խոսքի միջոցով: Կիրառվում են ծաղրանքներ, վիրավորանքներ, անհարկի բառեր և արտահայտություններ: Այն ազդեցություն է ունենում անձի ինքնագնահատականին, անձի սահմաններին, գործունեության ձևերին և նրա կայնքում կարևոր այլ գործոններին: Վերբալ բուլինգը նաև պարունակում է ազդակներ ֆիզիկական վնասման, սպառնալիքներ:

## ՖԻԶԻԿԱԿԱՆ

- Ֆիզիկական բուլինգը անձի մարմին, սեփականությանը, ընտանիքի անդամներին կամ հարազատներին հասցվող անմիջական վնասն է:

Ֆիզիկական բուլինգը ներառում է

- Զրել, թքել, հարվածել, ապտակել (ինչպես ձեռքով կամ ոտքով, այնպես էլ այլ որևէ առարկայով)
- Սեփականության վնասում կամ ոչնչացում, օրինակ հագուստի, պայուսակի վրա գրառումներ անելը
- Գողություն
- Այլ մարդկանց կռվի կամ վիճաբանության մեջ ներգրավելը

## ՀՈՒՉԱԿԱՆ

- Զուգական բուլինգի ընթացքում ազդեցություն է գործադրվում անձի ինքնանզգացողության և ինքնաընկալման վրա: Այն հիմնականում արտահայտվում է նվաստացման, հեզանքի կամ հրապարակավ ծաղրանքի միջոցով: Կարող է իրականացվել անձի կողմից կիրառվող բառերի կրկնությամբ, նրան ամոթալի վիճակների մեջ զցելով, անհիմն քննադատով:

## ԿԻՐԵՐԸՈՒԼԻՆԵՂ

- Կիբերբուլինգն իրականանում է տեխնոլոգիաների կիրառման հետևանքով (բջջային հեռախոսներ, համակարգիչներ, պլանշետներ և այլն): Կիբերբուլինգն արտահայտվում է հաղորդակցություններում, նամակներում, սոցիալական մեդիայում, ֆորումներում, խաղերում: Կիբերբուլինգի ընթացքում ուղարկվում, հրապարակվում կամ կիսվում է մեկ այլ անձի համար բացասական, վնասակար, սխալ, կոպիտ տեղեկատվություն, ինչը կարող է նվաստացնել տվյալ անձին:





### Հիմնական վայրերը, որտեղ ի հայտ է գալիս կիբերբուլինգը

- Սոցիալական մեդիա
- Գրավոր և ձայնային հաղորդագրություններ
- Առցանց զրուցարաններ, ֆորումներ
- Էլեկտրոնային սամակագրություն
- Առցանց խաղեր

Բուլինգի առկայության դեպքում միշտ խոսում են երեք կողմերի ներկայության մասին: Դրանք են

1. Կանոնները խախտող, ով պլանավորում է ճշման իրականացումը:
2. Թիրախ, ում դեմ ուղղվում է ճշումը:
3. Վկան, ով չի մասնակցում ճշմանը, սակայն տեսնում և տեղեկանում է դրա մասին:

Բուլինգի առկայության ցուցանիշներ

1. Դպրոցից գնալու ցանկության պակաս
2. Ֆիզիկական, մարմնական բողբջներ
3. Կապտուկներ ու քերծվածքներ
4. Գլխացավ, փորացավ
5. Զնի և ախորժակի խանգարումներ
6. Հուզական բացասական դրսևորումներ
7. Մեկուսացվածություն
8. Կորած կամ վնասված իրեր,
9. Ակտիվություններում ներգրավելու ցանկության պակաս
10. Ընկերների պակաս կամ բացակայություն
11. Առաջադիմության անկում

Բուլինգի ժամանակ դրոցական հոգեբանի աշխատանքի քայլաշար

- Տեղեկացնել կրթական հաստատության բոլոր ներառված օղակներին իրավիճակի մասին:

- Իրավիճակի վերահսկողություն և մշտադիտարկում, որի արդյունքում հստակ դուրս են բերվում իրավիճակում ներգրավված երեխաները՝ զոհը, ագրեսորը, մասնակիցները, դիտորդները:
- Միասնական աշխատանքային պլանի կազմում բոլոր օղակների ներգրավվածությամբ:
- Անհատական հանդիպումների իրականացում այն երեխայի հետ, ում հանդեպ, որ կիրառվել է բուլինգը:
- Անհատական հանդիպում ագրեսոր երեխայի կամ երեխաների հետ:
- Անհատական զրույցներ իրավիճակում ներկա գտնված բոլոր մյուս երեխաների հետ:
- Իրավիճակում ներգրավված բոլոր օղակների հետ անհատական աշխատանքի պլանի կազմում:
  - Անհատական խորհրդատվական հանդիպումներ զոհի կարգավիճակում հայտնված երեխայի հետ
  - Հոգեշտկողական և խորհրդատվական հանդիպումներ ագրեսոր երեխայի հետ:
- Խորհրդատվական հանդիպումներ բոլոր ներգրավված երեխաների ծնողների հետ:
- Խմբային լուսավորչական հանդիպումներ բոլոր ներգրավված կողմերի երեխաների դասարաններում
- Իրավիճակում ներգրավված բոլոր երեխաների հուզական վիճակի մշտական դիտարկում դասարանում և դպրոցում
- Դասալսումներ
- Դասարանների պատասխանատուների, առարկայական ուսուցիչների հետ մշտական քննարկումներ և խորհրդատվական զրույցներ:
- Լուսավորչական աշխատանքներ դպրոցի անձնակազմի հետ բուլինգի թեմայով

